



夏小正戴氏傳序

山陰傅

崧卿

崧卿少時讀禮記著孔子得夏時於杞鄭氏注曰夏四時之書也其存者有小正而鄭注

月令引小正者八

如注孟春東風解凍蟄虫始振魚上冰云夏小正

月啓蟄魚涉負冰注田事既飭先定準直農乃不惑云夏小正農率均田注仲春上丁命

樂正昌舞釋菜云夏小正曰丁亥萬用入學注季春后妃齋戒親東鄉躬桑禁婦女母觀

省婦使以勸蠶事云夏小正妾子始蠶執養官事注孟夏王瓜生云夏小正曰王萑莠注



仲夏令民母文藍以染云夏小正曰五月啓
灌藍蓼注季夏鷹乃學習云夏小正六月鷹
始摯注仲秋群鳥養羞云夏小正曰九月丹
鳥羞白鳥說曰丹鳥也者謂丹良也白鳥也
者謂閩蚋也甚謂之鳥者重其養者也有翼
為鳥養也者不盡食也凡引夏小正以注月
令者八辭大氏約嚴不類秦漢以來文章信其
為有夏氏之遺書顧欲睹其全未之得政和
中聞外兄關澮藏書始得而讀之星昏旦伏
見中正當鄉若寒暑日風冰雪雨旱之節草
木稊莠之候羽毛鱗羸蠕動之屬蟄興粥伏

鄉遘陟降離隕鳴响之應罔不具紀而王政
民事繫焉蓋夏之月令也志時之有是物往
往以見言之豈謂據人所見者辭固當爾耶
關本合傳為一卷而不著作傳人名氏按漢
唐藝文志不載惟隋志有其目曰夏小正一
卷戴德撰疑澮所藏即此書後讀孔穎達禮
記正義其疏月令注曰夏小正大戴禮之篇
名也因求集賢所藏大戴禮版本參校信然

漢唐志既錄戴氏禮矣此書宜不別見抑不知取戴禮爲此書自何代始意者隋重賞以求逸書進書者務多以徼賞帛故離析篇目而爲此乎有司受之既不加辨而作志者亦不復考且小正夏書德所撰傳爾而隋志云然可謂踈矣德西漢梁人與聖俱受禮后蒼號大戴嘗爲信都太傅而集賢大戴禮其前乃云漢九江太守戴德撰以儒林傳考之爲

九江太守者聖也書藏集賢蓋又率無有正其訛謬者使世亡漢史而大戴禮獨傳後人渠復有知德爲信都太傅者歟繇是知前代書因陋承訛流傳及今不可復辨者蓋多矣豈特是書也哉關本戴禮皆以夏小正文錯諸傳中渾渾之書雜以漢儒文辭醇駁弗類且所訓疑有失本指者乃倣左氏春秋列正文其前而附以傳月爲一篇凡十有二篇釐

爲四卷名曰夏小正戴氏傳關本簡編失倫
悉以大戴禮是正兩書互有得失或字衍脫
不同則擇其善者從之仍注其下而闕其可
疑者大戴禮無注釋關本注釋二十三處懼
與今注相揉則云舊注別之來者宜詳焉
宣和辛丑九月一日序

夏小正戴氏傳卷第一

春

正月啓蟄鷹北鄉雉震响

關本脫响字

魚陟負冰

農緯厥耒初歲祭耒始用暢

關本作暢舊注音韞按暢不生

也暢訓達作暢爲是

囿有見韭時有俊風寒日滌凍塗

田鼠出農率均田獺獸祭魚

戴禮作獺祭魚以傳考之當作

獺獸祭魚

鷹則爲鳩農及雪澤初服于公田未芸

鞠則見初昏參中柳梯梅杏柶桃則華

關本柶作

施非是也音 緹縞雞桴粥粥舊注
移木名也

傳正月啓蟄言始發蟄也鴈北鄉先言鴈而

後言鄉者何也見鴈而後數其鄉也鄉者何

也鄉其居也鴈以北方為居何以謂之居戴

何以謂生且長焉爾九月遘鴻鴈遘音遞按

去也先言遘而後言鴻鴈也舊注而見遘而

後數之則鴻鴈也圓東數作如今以上何不

謂之南鄉也戴禮何不曰非其居也故不謂

之南鄉大戴無記鴻鴈之遘而舊注一不記

其何鄉也曰鴻不必當小正之遘必者也戴禮

無下雉震响震也者鳴也者鼓其翼也

必字關本雉震雉震也者鳴也大戴禮雉震响震

字蓋衍正月必雷雷不必聞關本聞惟雉為

必聞之何以謂之雷則雉震响相識以雷關本

何必謂之雷則魚陟負冰陟升也負冰云者

言解蟄也農緯厥耒緯束也束其耒云爾者

經 卷一 一

用是見君之亦有耒也

關本作見君子

初歲

祭耒始用暢

關本作暢舊注音韋

暢也者終歲之用祭

也其曰初云爾也者言是月之始用之也初

者始也

關本初歲祭耒始用暢暢者其曰初云爾暢也者終歲之用祭也言是月

之始初者始也大戴禮初歲祭耒始用暢也其月初云爾暢也者終歲之用祭也言是月

初者始也或曰祭韭也圃有見韭圃也者

園之燕也

大戴禮圃也園之燕者也

時有俊風俊者大也

關本俊也者大也

大風南風也何大於南風也曰合

冰必於南風

關本合冰作合水

解冰必於南風生必

於南風收必於南風

關本收作殺

故大之也寒曰

滌凍塗

舊注滌一作滌

滌也者變也變而煖也凍塗

也者

大戴凍塗者

凍下而澤上多也田鼠出田鼠

者噤鼠也記時也農率均田率者循也均田

者始除田也言農夫急除田也獺獸祭魚

大戴

作獺祭魚

其必與之獸何也曰非其類也祭也者

得多也善其祭而後食之

關本善作美

十月豺祭

經 獸謂之祭獺祭魚謂之獸祭何也

大戴及關本作謂之

獸何也舊注一作謂之祭獸獺祭其類獺祭

非其類故謂之獸大之也鷹則為鳩鷹也者

其殺之時也鳩也者非其殺之時也善變而

之仁也故具言之也則盡其辭也鳩為鷹變

而之不仁也故不盡其辭也農及雪澤言雪

澤之無高下也初服于公田古有公田焉者

古言先服公田而後服其田也

采芸舊注芸似

邪曰為廟采也

關本一為廟去也

鞠則見鞠也者何

也大戴鞠者何也星名也鞠則見也

關本無鞠字

歲再見

爾初昏參中蓋記時也云斗柄

舊注一作斗杓縣在

下言斗柄者所以著參之中也柳稊稊也者

發乎也

關本稊者發字也

梅杏杔桃則華杔桃山桃

也關本杔緹縞緹縞也者莎隨也

關本縞也者莎隨也

舊注緹莎隨也爾雅縞侯莎大戴禮緹縞也者莎隨也以下文及正文考之當作緹

者莎縞也者

舊注縞一作媿

其實也先言得而

後言縞何也縞先見者也何以謂之小正以

小著名也大戴以著名也雞桴粥粥也者關本无相

粥之時也或曰桴嫗伏也粥養也舊注音育

嫗伏嫗音於具伏

二月往耋黍關本黍作柔禫初俊羔助厥母粥綏

多女士關本作綏綏丁亥萬用入學祭鮪榮董采

繁昆小蟲抵蚺耒降關本小虫傳自昆簡誤

梅之燕乃睇剥鰾大戴鰾作鰾有鳴倉庚榮芸時

據下文當作關本綏作縵

有見稊始收

傳二月往耋黍關本黍作柔禫禫也初俊羔助厥

母粥音育俊也者大也粥也者養也言大羔能

食草木而不食其母也羊羔非其子而後養

之羊羔關本作羊羔舊注蓋一作蓋善養而記之也或曰夏

有煮祭大戴夏作夏祭也者用羔是時也不足喜

樂善羔之為生也關本不足善樂喜羔之為生也而記之與

羊牛舊注一本作羔羊腹時也綏多女士關本綏作縵綏

安也冠子取婦之時也丁亥萬用入學丁亥者吉日也萬也者千戚舞也入學者太學也

謂今時大舍采也祭鮪祭不必記記鮪何也

鮪之至有時美物也鮪者魚之先至者也關本

脫之而其至有時謹記其時榮董菜也大戴菜也

作菜采繁大戴采繁由胡由胡者繁母也皆

豆實也故記之昆小蟲抵蚺昆者衆也猶魂

大戴猶魂也者動也小蟲動也其先言動而

後言蟲者何也萬物至是動而後著大戴脫

抵猶推也蚺螳卵也為祭醢也取之則必推

之推之不必取取必推而不言取來降燕乃

睇燕乙也降者下也言來者何也莫能見其

始出也關本作莫能故曰來降言乃睇何也

睇者眈也眈者視可為室者也大戴作百鳥

皆曰巢突穴取與之室關本作何也搯泥而

就家人人內也關本作就家剥鱗以為鼓也

關本鱣作鱣有鳴倉庚倉庚者商庚也關本倉庚商庚也脫

字者商庚者長股也榮芸時有見稊始收有見

稊而後始收是小正序也大戴小正序也小

正之序時也皆若是也稊者所為豆實關本自也

皆豆實也以下脫簡在五月承又言之時何也之後也

三月參則伏攝桑萎揚舊注萎一作苑羴羊螿則鳴

頒冰采識妾子始蚕執養宮事祈麥實越有

小旱田鼠化為鴽拂桐芭鳴鳩

傳三月參則伏伏者非亡之辭也大戴禮星

無時而不見我有不見之時故曰伏云攝桑

攝而記之急桑也萎舊注一作苑揚揚則花舊注一作

苑而後記之羴羊羊有相還之時其類羴羴

然舊注羴羴一作羴羴記變爾或曰羴羴也螿則鳴螿

天媮也頒冰頒冰也者分冰以授大夫也關本

以接授大夫也采識識草也大戴草妾子始蚕妾而

後子何也曰事有漸也言自卑事者始也大戴

禮作言自早事者始無也字以義權之當云言事自早者始

執養官事執

操也養長也祈麥實麥者五穀之先見者故

急祈而記之也越有小旱越于也記是事恒

有小旱田鼠化為鴛鴦鶴也變而之善故盡

其辭也鴛鴦為鼠變之不善故不盡其辭也拂

桐芭拂也桐芭之時也

舊注一本拂也者桐芭之時也

或曰

言桐芭始生貌拂拂然也鳴鳩言始相命也

先鳴而後鳩何也鳩者鳴而後知其鳩也

關本

自鳩言始相命以下脫簡在二月傳承由胡者繁母今以大戴禮正其誤

夏小正戴氏傳卷第一

夏小正戴氏傳卷第二

夏

四月昴則見初昏南門正鳴札囿有見杏鳴
蜮王萑莠取荼莠幽越有大旱執陟攻駒

傳四月昴則見初昏南門正南門者星也歲
再見一正蓋大正所取法也鳴札札者寧縣
也鳴而後知之故先鳴而後札囿有見杏囿
者山之燕者也鳴蜮鳴蜮也或曰屈造之屬

也王萑莠取茶茶也者以為君薦蔣也

關本無以

字莠幽越有大旱記時爾執陟攻駒執也者

始執駒也關本作始執駒執駒也者離之去母也執

而升之君也攻駒也者教之服車數舍之也

五月參則見浮游有殷鳩則鳴時有養日乃

衣瓜舊注一作乃衣衣良蜩鳴匣之興五日翕望乃

伏啓灌藍蓼鳩為鷹唐蜩鳴初昏大火中種

黍菽糜或曰種黍菽糜以心中為節傳煮梅

蓄蘭頒馬

傳五月參則見參也者伐舊注一作牧星也故盡

其辭也浮游有殷殷衆也浮游殷之時也浮

游者渠略也朝生而暮死稱有何也有見也

鳩則鳴大戴禮關本鳩作鳩鳩者伯鷓也鳴

者相命也其不辜之時也是善之故盡其辭

也時有養日養長也一則在本一則在末故

其記曰時養日之也大戴禮曰之舊注其紀曰有養日云也

乃衣瓜瓜者急瓜之辭也瓜者始食瓜也舊注

一本乃衣瓜乃衣者急衣之辭也衣也者始創衣也良蜩鳴良蜩也者

五采具匱之興五日翕望乃伏其不言生而

稱興何也不知其生之時故曰興以其興也

故言之興五日翕也望也者月之望也而伏

云者不知其死也故謂之伏五日也者十五

日也翕也者合也伏也者入而不見也戴禮入作

人關本無也字啓灌藍蓼啓者別也陶而疏之也灌

也者聚生者也戴禮灌也者作灌者記時也鳩為鷹唐

蜩鳴唐蜩鳴者匱也初昏大火中大火者心

也心中種黍菽糜時也煮梅為豆實也蓄蘭

為沐浴也菽糜以在經中矣又言之時何也

是食短閔而記之頒馬分大夫卿之駒也戴禮

脫大字將間諸則或取離駒納之則法也關本自是

食短以下止則法也脫簡在三月拂拂然也鳴之後

六月初昏斗柄關本舊注柄一作杓正在上煮桃鷹始

纏讀如躔言躔度之經緯也舉大火中而即可知種黍菽糜時矣

摯

傳六月初昏斗柄正在上五月大火中六月

斗柄正在上此見斗柄之不在當心也蓋當

依依尾也煮桃桃也者施桃也施桃也者山

桃也煮以為豆實也大戴禮施作柀按爾雅

樹似白楊而古今字書有柀而無施釋云木

名亦無有訓山桃者爾雅施桃山桃音斯唐

韻亦云此書云施桃也者山鷹始摯而言之

何也諱殺之辭也故言摯云放戴作卷終

夏小正戴氏傳卷第三

秋

七月莠藿葦狸子肇肆湟漌生苹爽死苹莠

爾雅苹藟蕭又曰萍莠其大者蘋又曰萍馬

帚據此則上苹當作萍下苹當作萍傳同漢案戶寒蟬鳴初昏織女正東鄉時有霖雨

灌荼斗柄縣在下則旦

傳七月莠藿葦未莠則不為藿葦莠然後為

藿葦故先言莠狸子肇始也肆遂也言其始

經

夏小正卷第三

一

宗

經

信

遂也其或曰肆殺也

其或曰其字疑衍

湟潦生苹湟

潦生苹也者

大戴禮無湟潦生苹者五字

湟下處也有湟

然後有潦

舊注潦一作瀆

潦而後有苹草也

大戴禮潦而後

有苹草也

爽死爽也者猶䟽也苹莠苹也者

馬帚也漢案戶漢也者河也

大戴禮無者河也三字

案

戶也者直戶也言正南

舊注南或作為

北也

寒蟬鳴蟬鳴也者蜺螻也初昏織女正東鄉

時有霖雨灌聚也荼藿葦之莠也

大戴禮無也字

為

蔣楮之也藿未莠為莢莢未莠為蘆

大戴禮莠皆作

秀斗柄縣在下則旦

八月剥瓜玄校剥棗臬零

大戴禮棗作栗

丹鳥羞白

鳥辰則伏鹿人從駕為鼠參中則旦

傳八月剥瓜剥瓜者也

大戴禮無剥瓜也者四字

畜瓜之

時也玄校玄也者黑也

大戴禮玄作五

校也者若綠

色然婦人未嫁者衣之剥棗剥也者取也臬

零

大戴禮作栗

零也者降零而後取之故不言剥

也丹鳥羞白鳥丹鳥者謂丹良也白鳥謂閩

蚋也其謂之鳥何也重其養者也有翼者為

鳥羞也者進也關本無也字不盡食也辰則伏辰

也者大戴禮謂星也伏也者伏見也者入而

不見也鹿人從鹿人從者從羣也鹿之養也

離群而善之離而生非所知時也故記從不

記離大戴禮作鹿人鹿人從者從群也鹿之養也離群善而善而之離而生非所知

時也故記君子之居幽也不言或曰人從人

從也者大戴禮作或大者於外小者放於內

率之也大戴禮無放字駕為鼠參中則旦

九月內火遶鴻鴈主夫出火夫當作陟玄鳥

蟄熊羆豹貉鼪鼯則穴大戴禮貉作榮鞠樹

麥或曰樹王始裘雀入于海為蛤

傳九月內火內火也者大火大火也者心也

遶鴻鴈遶往也主夫出火主夫也者主以時

縱火也陟玄鳥蟄陟升也關本升作玄鳥也

者燕也先言陟而後言蟄何也陟而後蟄也
熊羆貉貉鼬鼬則穴若蟄而大戴禮貉作榮
鞠鞠草也鞠榮而樹麥時之急也王始裘者
何也衣裘之時也辰繫于日雀入于海為蛤
蓋有矣非常入也

夏小正戴氏傳卷第三

夏小正戴氏傳卷第四

冬

十月豺祭獸初昏南門見黑鳥浴時有養夜
雉入于淮為蜃織女正北鄉則旦

傳十月豺祭獸善其祭而後食之也初昏南

門見

大戴禮脫見字

南門者星名也及此再見矣

黑鳥浴黑鳥者何也鳥也浴也者飛乍高乍

下也

大戴禮作黑鳥浴也者飛乍高乍下

也今從關本

時有養

夜者養長也

大戴禮云時有養者長也今從關本

若日之長也

云雉入于淮為蜃蜃者蒲盧也織女正北鄉

則旦織女星名也

十有一月王狩陳筋革嗇人不從隕麋角

傳十有一月

大戴禮脫有字

王狩王狩者言王之時

田冬獵為狩陳筋革者省兵甲也嗇人不從

不從者弗行於時月也萬物不通隕麋角隕

墮也日冬至陽氣至始動諸向生皆蒙蒙符

矣故麋角隕記時焉爾

大戴禮云記時時焉爾衍一字

十有二月鳴弋玄駒賁納卯蒜虞人入梁隕

麋角

麋角令仲冬麋角解與小正十一月記隕麋角合十二月又記之蓋衍文戴氏因

誤為之傳失之矣

傳十有二月鳴弋弋也者禽也先言鳴而後

言弋何也鳴而後知其弋也玄駒賁玄駒也

者螳也

關本玄駒者蟻也

賁者何也走於地中也納

卯蒜卯蒜也者本如卯者也納者何也納之

君也虞人入梁虞人官也梁者主設罟罟者
也隕麋角蓋陽氣且睹也故記之也

夏小正戴氏傳卷第四

男右通直郎知泉州晉江縣事 賴 刊版

孫右迪功郎前靜江府脩仁縣尉 繪 校勘

至大元年二月十一日校錄



右硃校字依玉齋山房影宋鈔本校也

有堂吳志志記



律